

Vnd berüchtiger Jungfrauen vnd Frauenchänder/ der einen vnredlichen ermordet/ von seinem Herrn aus dem Felde geflohen/ oder sonst in einer andern vherbarlichen/ vnd vnadenlichen Thaten oberwiesen were/ der soll vor dem Reutterrechten darumb fürgestellt/ vnd gestrafft werden.

CXI. Da in solchen Articulen auch dimal etwas vergessen oder außgelassen were/ das Reutter Kriegsleuten zu halten zustünde/ vnd gebrauchlich were/ sollen die Reutter eben so wol darzu gehalten/ vnd verbunden seyn/ vnd die Vbertreter nach Erkandniß darumb gestrafft werden/ als wann es außdrücklich in dieser Bestallung vermeldet were.

Von Bestellung des Feldes vnd des Reutterrechens.

I. Erstlich sollen alle Obersten/ Rittmeister/ Befelchshaber/ Herren/ Junckern vnd Nitreutter auff die außführliche Bestallung/ darinn die Articul des Reutterrechens/ vnd Kriegsregiments ordentlich begriffen/ deren wir/ der Römisch. Keyser/ Churfürsten/ Fürsten/ vnd gemeine Stände des heiligen Reichs vns ietzo entschlossen vnd verglichen haben/ bestellt vnd angenommen werden.

II. Wann man dann zusammen kömmer/ solle vnser/ als des Römischen Keyfers/ vnd des Reichs Feldoberster/ die Reutter alle zusammen lassen fordern/ oder da je eine grosse Anzahl vorhanden/ in etliche Hauffen theilen lassen/ alsdann selbst persönlich/ sampt dem Feldmarschalc vnd der hohen Empter zu ihnen in Ring reiten/ vnd ihme durch ein Herolden ein blos Schwert lassen vorführen/ vnd folgendes im Ring nach beschehenem Aufblasen/ den Reuttern öffentlich fürhalten/ vnd erstlich sich bedanken/ daß sie sich/ vns vnd dem heiligen Reich zum besten/ bestellen lassen/ vnd anhero begeben hetten.

III. Diem Weil nun Gehorsam vnd gut Regiment ein Werck were/ dz Gott gefiel/ darauff alles Glück vñ Wolgart erfolgt/ dasselbig bey vnsern Vorfaren den löblichen Deutschen jederzeit in grosser Achtung vñ Handhabung gewesen were/ demnach wolle sie der Feloberst an vnser vñ des Reichs Statt/ auch für sich selbst ermanet haben/ dz sie Ordnung/